



25. juni 2019

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara:

Naalakkersuisunut apeqquq:

1. Atit pillugit inatsisip naleqqussarnissaanut inatsisitigut piareersarnerit sumummita killippat?

(Inatsisartunut ilaasortaq Randi Vestergaard Evaldsen, Demokraatit)

Tunngavilersuut

2017-mi septembarip qaammataani § 37 naapertorlugu atit pillugit inatsit pillugu apeqququtinnut 206-2017-mut akissut tiguara.

Akissummi erserpoq Naalakkersuisut taamani danskit oqartussaaffii suleqatigilersimagaat siunertaralugu atit pillugit inatsisip nutarterneqarnissaa. Tassunga atatillugu paasisutissiissutigineqarpoq, inatsisinik piareersaasussamik ataatsimiititaliortoqarsimasoq siunertaralugu atit pillugit inatsisip nutarternissaanut innersuussuteqartoqarnissaa.

Suliap sumut killissimanera pillugu paasisaqarusuppunga innersuussutigalugulu apeqququtinnut normu 206-2017-mut tunngavilersuutigisimasakka.

Kissaatigaara ullut piffissarititaasut qulit iluanni apeqququtiga akineqassasoq.